

REVISTA PINDUL



REVISTA PINDUL

TU LIMBA AROMÂNEASCĂ

SUB DIRECȚIUNEA UNUI COMITET

APARE UNĂ OARĂ PE LUNĂ

ABONAMENTUL 12 FRANCI PE AN

Redacția: strada Cercului No. 4 la Dl. Nuși Tulliu.

CĂTRĂ ARMÂNÎ

Frați Armânî, din dipărtarea la care ne aflăm, dispărțiți di voi di munți analți și mări fără di fund, noi aești—tiniri Armânî cari astăzi bănâm diparte di a vostru sin—un graiu avem tra s've aspunem.

Graiulu a nostru, graiu di vreau și di dor easte, graiu ce di tu inimă 'l sișirăm, și cu cundiulu v'e-l pitreacim.

Cari hiți voi, frați Armânî, di toată lumea se știe: limba voastră, adețle a voastre, mușatlu port a vostru, numa făloasă ce di ete o purtați, aspun di iu v'e trageți, di iu aveți vinită, cari hiți, cum v'aclimați. Simință dit Italie adusă, curat arēmase tiplu a vostru, cum curat easte vimtul di munte ce adileati, cum curat easte apa di isvure ce beți.

Munții iu și deți, câmpurile ce cutrierati, poartă murminte di a vostror părinți nu de azi, nu di ieri, nu di an și di anțert, ma di ete 'ntregi.

Sum loclu ce călcați zațe cinușa străușatului armănescu, străușatic ca șainili a Pindului digionî, străușatic ce avu căpitănele a lui avzite, străușatec ce ne alăsă a nouă, vlăstarele lor, și stearea așeama scumpă ce se-acliamă «limba armănească» și tiare ce nu se-acum-pără ni cu malamă, ni cu și amantă. Limba ce sburiți cu a voștri ficiori easte ca una carte dișclisă cu grae di hriseafe, easte cartea-așeama mușată ce aspuce că a vostru sânge easte sânge curat latinescu, sânge di amirazi piste amirazi tu timpul di ună oară: Roma di pri șapte goline easte arborle di la cari v'e trageți, lumăchile 'mpline difrunze până astăzi, hiți voi, frați Armânî.

Cu toate vimturile ce 'ne bătură, cu toate

furtunile și cu tot cataclismolu ce piste caplu a Armănlui au tricută, astăzi, armănescul poplu cu fuduleață și cu frămtea anăltată poate ca s'dică: Fui, hui și va s'hiu.

Bună ma, ca s'him și di ați nainte, lipsește un lucru s'nu agărșim: lipsește s'ne apărăm limba după cum străușili o apărare, că limba noastră, frați Armânî, mușata limbă armănească, easte așeama cama scumpă a noastră avere. Străușili o apărare cu sângele a lor, noi cu cundiulu s'o apărăm: că astăzi, cu cartea și cu 'nvițatura putem ca să alăsăm la nipoți și strănepoți și stearea ce aușili cu giuneața ne o alăsară.

Ca frunza și ca spuza s'hibă dușmănilă a noștri tot nu va poată s'ne asvingă când cu cheptu bărbătescu va ne alumtăm tră graiulu ce părinții ne deadiră și Dumnișeu ne hărăzi.

Un lucru s'avem tu minte: limba armănească easte graiulu dulce și mușat cu cari mamele ne alăptară și ne ligănară tu sarmăniță; s'nu agărșim că limba easte istoria-așeama bună la ună națiune. Iu limbă nu easte, cum cu puteare easte istorie ca s'hibă?... După cum siminăturile fără di ploae s'usucă, tot ași un poplu fără di părintescul graiu cheare di piste loc; după cum câmpurile niarate di plug nu dau fructe, tot ași un graiu nilucrat și apăr-nisit se-astinge.

Ghine știm, că astăzi, graiulu armănescu easte nilucrat și neavut: bună ma, după cum di ună bucată di marmură nicioplită poți ca s'fați ună albă și mușată statuă (agalmă) când mastur bun ești, tot ași poți după timpu ca di ună limbă mică și nichiptinată ună mare și 'mplină di mușuteață limbă s'fați.

Apoi zisem, că limba easte istoria unui poplu, semnul că bănează. Fără di nēsă populu

eastă mortu, eastă aştersu di tu a lumilei carte. Tu loc di Armân, istoria după aîni va lu-acliama Grec, Sărbu, Vurgar, Uvreu cara s'vereşi.

Fraţi Armăni, ună paradigmă s've aduţem: Ai un muşat străniu di hrisafe. Macă lu-alaşi tu cufăr fără s'lu scuturi totuna nu se-aleage çiva di nês că ţi-l măcă moliţa. Ađi 'l paşte ma puţin, mâne ca ma multu, păimăne ninga ma multu şi s'distramă. Ți pare arêu ma di geaba. Çe moare nu anviază.

Tot aşi şi cu a noastră limbă. Duşmănil, cari sunt moliţa a Armănistmulu, nê pascu ađi, nê pascu mâne până cându s'nê chiară.

Tră aţea, diştepti lipseaste s'him, gionî şi inimă bărbătească, s'avem, s'nu păţăm ca liundarlupriatlu di moarte di cari toţi zuzuli şi-aridea.

Astăzi, când videm că toată lumea miarge tră năinte, astăđi, când tot omul s'dişteaptă cu graiulu părintescu, astăđi, când armănu are ahăţi duşmaîi cari lu-aveagle să-li smulgă din gură limba străuşască, astăđi, fraţi Armăni, a nostru popul di toţi ma napoi s'arēmānă?... Nu eastă aruşine?... Nu eastă crimă?...

Arēspāndiţi şi avinaţi cum sînt Armănil di pāngānil duşmaîi cari vor să-li smulgă ca lilece di tu arădiçină, un lucru se-aibă tu mintealor: inviţatura.

Inviţatura eastă cāndila di malamă cari aguneaste 'ntunicimea şi-ţi luminează casa şi-ţi luminează icoana. Casa noastră eastă armănistmul, icoana noastră eastă limba armănească, cāndila di malamă inviţatura s'nê hibă.

Populu care după 'nviţatură şi limbă xeană s'lia chiarde calea 'ndreaptă după cum o chearde căravea fără busolă; după nês çiva nu armăne cum çiva nu armăne di soare după çe noaptea cade.

Tra s'nu chirdem calea 'ndreaptă, tra s'nu chirdem calea armănească, noi aceşti—tineri cari ađi diparte di patria mamă bănām—avem mare dor, ca după a noastre puteri, lumina s'façim iu 'ntunerec şi negură zaçe.

Tră acestu lucru, fraţi Armăni, façim ună Revistă, «Pindul» acliemată, tu cari să scriem şi să scrieţi toţi câţi aveţi dorlu neastimtu ca s've virsaţi foclu di tu inimă tu a vostru graiu muşat.

Se-aste că nu putem s'façim ma multu di cāt străuşili au faptă barem s'nu lē agărşim limba tră care mulţi se-alumtară şi mulţi muriră.

Ştim că sînt Armăni cari îşi vind limba ca

Iuda pri Hristolu, bună ma avem speranţa ca după timpu tuturma di tu cari se-arēspāndiră să s'toarnă. Di se nu, ficiorili va-li blastemă şi armănistmul va-li furisească.

Fraţi Armăni, armăni di iu bat patrulă vimfuri, Revista «Pindul» ca ună vatră s'hibă trē noi toţi şi ca ună fumealie di la nêsă s'nă 'ncălzim. Hristolu dişe: Kathe milete tu limbaalei sa s'luminează. Armăni, nu agărşiţi sboarele ačilui çe pri cruce muri, di picate ca s'nē ascapă!

Revista „PINDUL“

MOARTEA UNUI BUN PATRIOT AROMAN

Scrisorile çe luām din patria noastră nê aduc mult invirinata hăbare, că acel cama bunlu Aromān din Vilayetul a Sărūnālei (Salonicului) muri in Veria la 18 Octobrie 1898.

Aestă hăbare umplu de jale inimele a tutlor, cari cunoscūră pe aest barbat mare şi-l vizură cu çe dor di inimă şi cu zel lucra trāghineaţa a bisericilor şi a sculiilor. George Hagigogu ţinu sus pandera a aromanimităţii in timp de 27 ani. El' putu s'disclidă şcoală aromănească in oraşul Veria, cu tută zizania Archiereulu grec. El lua bisericile şi şcoalele comunale din Selia şi Xiroliavad din mănenele a Grecilor şi li dēdi Aromānilor.

In chestia Episcopatulu fu alept ca delegat din partea Aromānilor din Vilaetul Salonic. Eastă singurul care profetisă inca de la 1892 că nu s'façe çeva, până când va s'amestică omen, cari n'au interes, ca si sfacă Episcopat Chrestin ortodox.

La 1896 George Hagi Gogu scoase in calitatea lui de preşedinte a delegaţilor, un firman, ca pe nincă mulţi greçi şi bulgari i s'hibă priimiţi ca bursieri la unu din liceele otomane din Constantinopol şi cinci feciori aromāni. Până astăzi nu s'feçi çeva şi cauza este, că George de atuncia s'lāndezi şi alt verun nu se interesă.

Inăinte ca aest luçeafăr s'ascapitā din lumea aestă tamam in dimineaţa a ziulei, când lipsia şi da sufletul in măneli lu D-geu, vru şi s'lia adio de la toţi, aclemāndu-lu ma năitea pe mult bătrāna lui mamă:

«Adio, mult scumpa mea mamă, da-mi mână «şti-o baş tr'ăţea di ma 'napoi oara şi ti părăcal-sesc s'nu plānge. Dumneđă çe façe este bună «faptă. El vede că nu hiu tră tu aestă lume şi mi «acliama la alantă. Iar aţia va s' şi da puteri, ca' «s'bēai, tora la bătrāneţe, s'cafa aestē de moarte. Cātră sojia lu.

«Adio, mult duruta mea soaţă. Mi pare areu, că «aîl întregi ti tuchişi aviglinda-lui zluă şi noapte «la caplu a meu, ca s'mi vezi sātātōs. Ma afuri-sita de lāngoare fu multu fārmacoasă (veninoasă) «şi Dumneză nu vru ca mutrita ta s'hibă respla-

«tită. Părigorisete cu schunchilă a nostri hili și «hilie.

Cătră hili a lui.

«Viniți, vruți a mei hili, s'vê baș și să vê ghine-
«cuvêtez. S'vreți ș' s'ascuțați pe mama voastră.
«Și lacrimile nu l'alăsara si sborască cama multe.

Cătră frați :

«Duruți mei frați, veniți să vê zic adio, trătotna
«adio. Viți oara s'faceți și voi tră mine, ce eu
«feciu tră voi, di când tatăl a nostru nê alasă. La
«voia las familia mea. S'n'agarșiți aeste trei sboare :
«lucru (muncă) economie și răbdare s'hibă călauza
«voastră.

Cătră notabili Aromâni :

«Buni patrioți, nu este departe oara, când va
«s'fug trătotna de pe aastă lume. Băterile inimei
«mele tmi zic s'bitisescu ună oară cama agonia cu
«adio de la voi. După cum vedeți buzele mi si
«fripseră, limba tmi si uscă, iar caplu va si s'culcă
«pi capitașiliu di moarte. Tr'cea tindeți mânila a
«voastre ca s'vê zic, adio frați, adio bunți patrioți.
«Macă vreți s'vê aduceți aminte de mine, un lucru
«caftu de la voi : *S'hiți totna uniți și s' v'ajutați un
«cu anantu.* Măriti s'apără pi acela micili, iar aesti
«si ascultă di acela măriti. Cu aest trop mași, va
«puteți s'tineți de fêrnu pi dușmănila a noștri, cari
«sciți câte ne au faptă ca s'nê smulgă din gura
«limba noastră părintească. Faceți ași, ca numa
«de Aromân s'hibă totna sus. Liertați-mi, lierta-
«ți-mi că nu ma pot sisburăscu.

Ași 'și dăde sufletul la Dumnezeu, George Hagi
Gogu, inaintea fumaliei și a patrioților.

Era pe la orele 12 a le seră, tamam când soa-
rele ascapită tu grădina al Dumnezeu, lăsând ca
după năs s'vină intunecoasa noapte peste loc.

Ca cum după ascapitata a șoarlu veni intuneri-
cul pisti loc, ași după moartea lui George Hagi
Gogu veni invirinare și jalea in inimele Aromă-
nilor.

Aesta hăbare ea sfulgul s'arespândi in veria și
horile di avêr liga. Toți Aromănila di Selia, Xiro-
livad și d'aliurea s'agonisiră s'oină dadun cu pref-
lă și cu dascălii lor.

La 19 Octobree, ziua de imormentare, întreg ora-
șul Veria era inviscut cu jale (doliu) mare. Tuti
măgăsiile și dușenurile erau inclise.

Tuți Armănila, tuți Turcili și Uvrei din Veria
inșoțiră mortul până la casa lui de tută eta. Pe
mormânt după bitiserea ceremoniei funebre de că-
tre preflii armăni s' depuseră și trei curoane :

Una din partea nobililor, una din partea terilor
și una din partea corpului didactic român cu in-
scripția Neobositului luptător pentru emanceparea
școlei și a bisericei Aromănesci, George Hagi
Gogu, Regrete eterne.

Unul din institori romăni ținu discursul ur-
mător :

Invirinată adunare !

«Vinim tuți aoașe, tu mesea di sghicute și di
«plângeră fără curmare, că acel, care până a eră

«nêinvița cum s' facem și cum s' adrăm tră bunlu
«a nostru și a patriei, s' astimse tră totana din
«lumea aastă.

«Cum s' nu plângem, cum s' nu jelim, când armă-
«nem orfașii de un părinte cari nu fruntisia mași
«tră fumalia lui, ci tră tuți noi !

«Cum s' nu nê invirinăm până tru hicate, când
«el nu vede lacrimile anoastre, nu avde sboarele
«anoastre !

«George adio și calea ambar de la prefli, das-
«cali, Armăni, Turci, Uvrei și singurul grec Dr.
«Demostenio, că ananți nicl după moarte nu ti
«liartă, că așa lê ordoană marea biserică ortodoxă !
«Pi ce mâni putridi ajunse ortodoxismul !

«Voi pulli asburatori și voi vinturi furtunoase,
«cari vê duceți pisti tot loclu in bate inimă aro-
«mănească, aspuneți, că luceafărul Aromănilor din
«Veria ascapită (apuse) !

Doamne, Dumnezeu, ascultă slaba noastră boașe,
și bagă pe sufletul acestui martir Aromân in Pa-
radisul nemurirei, că totna te a mărit pe tine,
făcândă-lui vrearea ta.

Un Aromân de la Pind.

CĂTRĂ VIMTU

*Bate, vimtu, bate
Lacrimile s' mi usuși,
Cânteculu-mi di jale
Avelă să-mi lu-aduci :
Mama să și-l avdă,
Să-l avdă vruta-mi sor,
S' mi plângă amendoaule
Cu suschir și cu dor.
Bate, vimtu, bate
Pi tu păduri di brad,
Că graiulu și când ascultu
Pi mintuire cad.
Mi-aduc aminte lailu
Că-s xen tu-aestu loc
Și-mi cură lacrimi calde
Ca chicuta di foc,
Bate, vimtu, bate
Că mâne poate s'mor
Și tine va-mi mi plângă
Tu loc di frate ș sor ;
Di nêși că-mi mi dispartu
Ariuri. munți și mări
De-aoașe până-Avelă
Sint lungi dipărtări.
Bate, vimtu, bate
Că multu mi-easte-amar,
Di trei ași nu-am avșită
Un graiu di picurar :
Ni cântec di flueară,
Ni clopote di oi
C'amări di pânze mpline
Sint nolgica di noi*

*Bate, vimtu, bate
Că multu mi-easte-amar
Bate nica astăzi
Și dumi-te calea-ambar.*

Nuși Tulliu

ARMÂNĂ

*Di tu munte una-Armână
S'dipunea cu buclă'n mână
Apă s'lia di la fântână
Trala lila lila la.*

*Ma un tinir picurar
Și-o-anzări di la cutar,
L'își 'n cale cu-a lui căni
Și-o bășă la făci s'la mări
Trala lila lila la.*

*De-arușine laea-Armână
Naltă, sceltă ca cadână
Lânçiază nă săptămână
Trala lila lila la.*

*Și triși astăzi dimineată
Se-aspilă cu ghiuls pri față
S' nu-s cunoască că-i bășată
Tu vicine s' tu suțată
Trala lila lila la.*

N. Tullius

COMERCIUL ȘI INDUSTRIA LA ARMÂNII MACEDONENI

Ca să știm ce easte comerțul și Industria și câtă mare putere dau unei națiuni (milet) aeste două lumăchi, cari aduc ghineața oamenilor și 'nvârțușirea națiunilor, — când ele s'lucrează cu ună bună sistimă — lipsește s' n'arucăm oclilitu istorie.

Nica di tu timpurile ațele vecli—ninte de Hristos—videm că națiunile ațele cama miçi și cama slabe, ajiumseră s'bată națiunī mari și sănătoase. Căce? Că erau avute și aastă avere o amintară cu comerțu — Cartaginea (Carhidon) — ună politie pe coastele Africeī — avută multu ajiumse s'bagă ațea cama mare frică a le Rome—capitala de astă zi ale Italie—de care tu ațel timp trimbura lumea 'ntreagă și se 'nelina la ea.

Greçlii, și nêși făcea un mare comerțu tu ațel timp, și 'l timsiră aproape până tu jiumitate de Italie și de care sibepé ațea parte ale Italie s' clima atumțea, «Grechia mare».

Macă greçlii nu avea ta s' facă cu ună națiune ca ațea a Romanilor-mare, 'nvițată și politipsită, s' cunoștea ghinesli a comerțului, ma astă-zi ce lipsește s' zicem noi, când dreptul ațelui cama sănătos chiru și tu locu a lui veni lucrul și in-telegența? Astă-zi, oamenii ațeli cama avuși și națiunile ațele cama sănătoase, sunt ațele cari fac comerțu mare și Industrie bună—Nație fără cr-comerțu și fără Industrie, easte nație moartă.

Armânii din Macedonia, Epir, Albania și Thesalia, ninte, fură nihiam fuduli și nu prea li-arăsea s' facă comerțu, ma aestu lucru nu lipsește s' nă miră—Aestă fudulie-armânii oclironomisiră de la păpânli a-lor Romani. Ma astă-zi siastică n'arucăm oclilțu toate politiile ațele mari—iu sunt armânii: Larssa, Tricol, Têrnăv, Armiro, Durus, Avlona, Vilarde (Berati), Tirana, Elbassan, Nsearu (Seres),

Cavala, Sărună (Salonic), Velis, Scopia, Bitolia, Grebena, Corcea etc., videm că comerțul și Industria, în mare parte: easte tu mănle-a armânilor.

Ma ce lipsește s' zicem ti armânii de la munți, cari se ocupă-cama mult-cu creșterea oilor și a cailor? Ca să-și facă cineva ună idee de producțiunile armânilor de la munți, n'are de cât să s' ducă la pânăghirlu de Conița, care s' chiamă Pazaropulo și la ațel de Grebini și acolo vas s' veadă armânii și armâne cari dipun di tu munți cu mulele a-lor-mușate ca stêle—'ncărcate că tute ghinesli: siacuri, scutic, tîmbări lucrute, chelimuri, iambule, (sazme), pârpozii și altele. Apoi suvatea ațea cama bună, cașurile, cascavalurile, untul și urdele ațele cama bune le afli acolo și comercianții di tu alte amirările vin și le acum-pără.

Cu părere de arău, puțin sunt armânii cif-ciazii, cari lucrează loclu și ațest sunt armânii di tu Miuzăchee, Grabova, Béla, Șipisca și tu mai multe hori armânești aproape de Sărună — și si-bepea că armânii nu lucrează loclu, easte, că eli stau la munți și ațeli de tu politie daū la Vurgări de lucrează agrele lor.

Cum videm, armânii de la noi au harismati bune și sunt cama 'nsus de tute alante mileți de acolo, ma ca s'amintă cama mult cu comerțul și cu industria, va să spunem niscante 'nvițături tu numărul a Revistei care va's vină.

G. Zverca.

SÂRCĂCIANA

*E! E! Tu munte strigă
Mușata Sârcăciană
Și câprile s'ulină
Anarga-anarga'n zeană.*

*Născante-ori arucă
Cărliglu după eale
Ș'cânândului le scoate
La treile fântâneale.*

*Aclo și-o bate vintul,
Un vint di primăveară,
Birbulu s' pîpulaclu
Ma-li cântă di cu seară.*

*La stani picurarili
Tri ntsă tot sburăscuri,
Tre arusa Sârcăciană
Cășarili ma-și glărescu.*

*Că fața-li easte albă,
Și dulce li-caste graiulu,
Li-aride gura tot-na
Ma nostim di cât Maiulu.*

*Când vine la mulgeare
Și celnișili ohlează
Ma s'tindă mâna virnu
Virnă-oară nu culează.*

*Ea mași cu pulli alghi
Ș'dismiardă mușuteașa
Și nibășată-i nica
Trandafilie-lli foța.
Nuși Tulliu*

SEARA !

*..... Seară !
Mușat tu munte-asună un cântec di flucară.
Cupiile trec în sare și geana ma și o-alină,
Din chișili lăi și-analți arsare luna 'nplină.
Diparte, la turuște, se-alumtă picurarili
Când laptele și-l frângu cântându lui cășarili.
Doicelniciți trec căcală pri calli ce canda-asboară
A mia mași imi plânge mărata di imioară
Când ardu pitpalaciu cum cântă pritu grâne
Ș'la șoptlu din vale mușatele Armâne,
Ce plâng că oile toate tu Agrafe lă luară...
Ah ! ce mușată-i seara, ma cât imi pare-amară
Neaspus-alei dulceame di lună hrisusită.
Ascultu pitruniclea cu inima jelită
Și moartă-mi pare canda lușita primă veară.—
Iu easte armănamea ?... Ce plânge, o flucară ?...
Nuși Tulliu*

GHIPTUL ÎN SUIȚATĂ CU ROMÎNUL

Un Romîn, bun di mină, se feași soț cu un Ghiftu, ca s- fură nă oae di la stina unor picurarî, cu ligătură s-u mpartă tu doauă părți : Romînul și lăa carnea și chîtelea, și Ghiftul ci-pișina și mașili. Agîlungînda la oi, Romînul sări tu cutar, și ghiftul avigîlta la gardu. Cîndu Romînul se alumta cu un birbec, un lup intră și sări pristi gardu. Ghiftul, niçi ună, niçi doauă, lă-apucă m-brată și-l ținea ghine. Lupu aciță să-l mușcă, ma Ghiftul, crișindaluș că este oae, îl zdrudea și-l dîcea : « Ah, linoasa mea ! ah, mușata mea, liptoasa mea !... » Tu soni, carî nu putu s-aravdă cama multu mișcărli a lupuș, aclîmă pe Romîn și cînd vini aestu îli dîs e : « dă-l cale, bre, că-i lup ! » Carî îli deade cale, ghiftul bigă s- aurlă : « dua ! lupe ! dua, lupe ! » acși că di boătea lui tuș picurarli se diștip-tară și tră puțin vrea lă-acată, carî s-nu fușea cu fugă mari. Cîndu se-aflară, Romînul bigă s-angîfură pi ghiftu și să-l dîcă : « fușîi, di-n fușîi inima dit loc, di frică ! ».

« Am ș-așia » dîsi ghiftul, « îni fușîi narea tu alumtarea ce feci cu lupu ».

DE LA VATRA

ARMÎN'-ARMÎNA Ș-DIPUNEA

Armîn'-Armina ș-dipunea
inghîos citră tu vale,
ș- arminlu gîone se-alină
și ô-astil'ê in cale.
« Armina mēa, lēa Armina mēa,
d-yu viāi, d-yu nī ti dipuāi;
« mușat iu calēa, calēa ta,
armînā si-nī aspuāi.
— Io di la oi Armine sin
acasā si-nī mi ducu,
s-līaū pīni și țiruhī s-alin,
ș-la picurarī s-lē-aducu.
— Arminā dā-nī un oclū laiū,
dā-nī nā bișari Arminā,
țe s-nu u scot dit minti haī,
co- arada nā stiminā.
— Ea trađi-țī calēa ș- calēa mēa,
alasā-nī-u armine,
mi ngrōapā loclu ș-țara țea
cînd minduesc țe-arșine-ī.

.....
Si dusi fēata a casā-līi.
ș- a mumā saī lī-aspusi
Cum picurarlu ô-astil'ê
și oclîlī îli līi supsi :
Hīi isusitā fēata mēa
cu hīlū di celnic mari,
« ah tīni carī nu va-nī ti līa,
tut truplu ataū nā hari.
— Io cîelnīclu, mamā, nu-l voi
pri suflit și pri nati,
voi picurarlu di la oi,
cu percîi nitilīati.

.....
Armina-Armina sē alină
in sus citră tu munti,
ș-Arminlu gîoni ș-ô-aștiptā
la riū pri ningā punti.
Dē-arșini loclu n- o ngrupā
ma nvinițā tu fațā.
ș-cu caplu spinđurāt imnā
ncircatā dē-amirēațā.
— « Ia dī-nī Arminā, iu-nī ti duțī,
ș-ēa dī-nī țe hīi cîrtitā,
« Si-nī vindu oi j- birbeslī tuțī
s- ti vindic di jilīțā ».

Grațu z- grăască ăa nu p'tea di dor
ma-șî plinđi di cripari :

«Vor s- mi mirită, vrute, vor
cu hîlțu dî cfelnic mari!»

de la Gioga Ziși (cuțitar).

LA FINTINA Ș- LA IZVOR

La fintină ș- la izvôr,

Trăați un gîoni cîlătôr

la izvor !

di ntrăabă fěată cu dor,

fěata cu dor !

— «A lăa fěata, fěată alăaptă,

fěată scumpă și mușată,

fěata mea !

țe nî staî ahăt adrată,

scumpa măa!»

«Gîone bun, gîone ca sôare,

ți ț-u, gîone, a ta ntribare,

gîone ca sôare !

di nu-ți veđi înclô di cale,

gîone ca sôare».

— «Fěată, moî porumba măa,

Dă-nî gura și fața ta,

porumba măa !

că- nî-arseși moî inima,

porumbăa măa !»

— «Gîone moî, gîone curbane,

să-nî ță daî dao dablôane,

Gîone curbane,

Si-ți muntrêști, gîone, di cale,

Gîone curbane!»

— «Fěată moî, fěată mușată,

io dablôani nu nî-li voî,

moî fěata mea !

Că-nî voî dolți oclîi a tăi,

moî fěata măa !»

— «Gîone laiū și gîone corbu,

mine a casă cum si-nî nergu,

lai gîonle a nēū !

bișarăa cum si ô-aștergu,

lai gîonle a nēū !

Macedonia, Crușova.

AȘTEARNA-Ń, VRUTA, PI SUFATE

Aștearnă-nî, vrută, pi sufate,

să durăm ca sor cu frate,

ti ntreb tră ți-nî ținî cachîe

tră naô aî fuđit diparte

făr un graiū, fără nă carte,

fără nclînăcîune, sănătate.

Mută-ți straîile gîunești,

s-ti nvești cu călugărești,

Că tră mne bun nu ești.

CÂTE FRINȚA AZBOARA VIMTUL

Cîte frinȚă azbôară vimtul,

Ahinte orî nî té-am bășată.

Pi la Țeani ș- sufrimȚeale,

Daule mēare făți a tale,

Dolți oclîi ca dăaîă stēale,

Moî lilicîe di pi meru,

lăî parî ciđută din țer.

SUFLETE AMĂRĂTE

Ca la treî sâhăți diparte di Vovusa, calea Țe miarge
cătrē mult avzîta și multu vecia Ianina, easte
un loc Țe Armănîli lu-aclimă Ciuca Roșă.

Aclo, la Ciuca Roșă, nu vezi ca tu alte părți
brazî analți, ică chiîl lăî Țe văzescu cu-ahântă
melankoeie. ică fagi mușati cu umbră dulce și
arēcoroasă. Ciuca Roșă easte, putem s'zțem, ună
geană goaleșă. Bună ma, făre că toate aȚeale lip-
sesc din Ciuca Roșă, are alte mușuteți cari o fac
s'hibă avzîta și alăvdată.

Aclo 'n geană, la Ciuca Roșă, caste ună fântână
lacrimă di ôie, cuvată ca ôiamanda.

Cărvănarîli Țe s'toarnă ditu câmpul de Ianina,
dit frunzele di hicate sorbu unda a raȚe ca ghiaȚa
și ôintul avros cu miurismă di livandu. Din Ciuca
Roșă oclîli mutrescu diparte mult cătrē la apus; și
munțli «Țe s'ved cinușii ică lăî» nȚavea albastră par
ca niște lămni dit alte timpuri. Munțli ale Zogore,
Peapingul din Lacă, hoarele Țe s'ved pritu arizîmuri
ca niște cuiburi albe di pilcaîi, dau ună neaspus
di mușată panoramă.

Ciuca Roșă astăzi toată ztua mi-armase zuvră-
sită tu minte... Trē aȚea va i vē aspun ună multu
mică istorie. Era la 1894. Trēși 'ngeana di la Ciuca.

Roșă 'ntunecai ună srară. Era primăveară—optu
di April. ôineam di Ianina singur, ca puilu di
toamnă. Nu aveam altu șoȚ afară di sufletu a
meu. Inima mi-era frămtă di jale, frămtea mi-era
mplină di mintuirî și buzēle-mi erau galbene ca
marasnedul. Multe zahmeți ficiurești aveam traptă
până atunȚea bună ma nu li băgam tu minte. Di
oara aesta mi se părea că sȚafa se-avea umplută.
Nu'mî armănea altu Țiva di cât s'fug, să-mî liau
oclii, și caplu s'nu-nî tornu cătrē multu mușati
munțli a gindulu trē cari astăzi toate ztua am
idolatrie.

Când aiușu 'n geana di la Ciuca Roșă eram asudat, curmat, mortu di foame. Mași vimtul, un vint di primăveară, ca ciuciorare jilooasă și mplină di nvirinare 'mî limpezi puîn mintea mea 'ntune-cată di minsuire, 'mî 'nsirină sufletu a meu nigrat di jale.

Ah! ce dulce și ce mușat bătea vimtul prin geana di la Ciuca Roșă! Astăzi nica mi se umplu geanele di lacrimi când mi-aduc aminte! Era un vimtu lișor, cu amiurismă ca di moscu, un vimt ca di balsam trê arana ce aveam tu suflet!

Munții era goli și singuri că Armăniți cu oile nu se-avea turnară; niți un suschir di puliu nu se-avza; pitruniclea, birbiilu, miera, cuclu 'mplin didor nu avea acățată ningă să-și cântă căteclu cu care umplu pădurile di mușuteață și inimile di hărăcopie. Nicî curiile nu-avea 'nvirzată ghine, că neaua ninga nu se-avea mutată dit toate locurile. Tu munții a Pindului, Maiulu easte meslu a lili-cilor, luna a birbiilor.

Tu singurătatea așea primăvăratică inima 'nvirinată canda s'lumină și s'dișclise puîn, cum dișclide cerlu albastru când a harasma cu aris di malama și perlu di hrisafe. Mi vișe un dor ahântu mare că acățai tra's cântu un cântec armănescu faptu di mine tu minutele așeale:

Bate vimtul pri tu munți,
Mași birbiilu nu va s'bata,
Plângeți, ucli, lacrimi calde,
Plânge, inima marată....

Cântam singur, cu nutrita chirdută diparte, cătră munții iu soarle di cu seară, mușat ca un ficior di amiră ditu cârți, trimura se-a scapită. Lumina hrisusită ce vîrsa piste genurî părea ca un arlu di malama tuchită. Munții anvelii pritu creaștite dineauă păreau că suntu canda pilixiți tu marmura așea cama albă din Paros așice alghea și scântelia 'ndipărtare.

După ce soarle ascăpită, tăcearea părea nica cama mare: părea că mi afla tu ună biserică ditru pustie.

Atuncea un somna dulce mi fură, geanele mi se ncliseră și durmii cum doarme ună fleată ce-s mintueaște la isusitu alei, cum doarme un puliu după furtună. Căpităniu aveam mâna 'ndreaptă și un tălăgan arucat piste mine. Ași durmia vîrnă oara c pritu munți și pri la fântăni minciunoșili dumnezazi a greșilor și a romănilor, strașili a noștri.

După ce dormii vîrnă jiumitate di oară avzîtu somnu ună tufече și mi diștiptai ca scuturat di electrismu. Apoi avzîtu boaci di picurar: ă, ă că ăpă.

Mi miram eu singur cîndu avzîi, ca știam ghine că turmele nu ișiră ningatu munți. Zîș cu min-tea mî că lipsește s'hibă vîrnă grec dinhoarele ce s'videa naparte, tu arizimuși, s'mî bôgai năpoi. Ghine ma nu putui ca s'adormi. La răsărit avea înșită luna ca uă icoană di foc și se-anălța agalea și mușat pi chipitle di munți, curată și mintuită ca uă zână ditu părămite. Mușuteața ale lune mi-aguni somnul și canda mi-amăghipsea sufletul. După nășă ardea stealele ca niște cîndile di argint și nclidea oculili canda s'nu lă cadă lacrimile di malama.

Mi sculai 'n ciucioare și trêmarea mea mirare vizui nu diparte di mine un foc di curundu aprinsu după cum s'videa. Fără ca s'cherd minut tuchisii

și mi duc aclo. Când mi-aprochiaț vizui ningă foc doi oamești: un auș ca di 60 di ani aproapea și un ficior ca di 12 — 13 ani. Cîndu lă sburii aru-mănește nêși imigriră grêcește așea ce-mî deade s'aduchescu că suntu greți. După ună altă anvițai di iu suntu, iu mergu. Aușu, un bărbat analu, ghine faptu, cu perlu alăsat lungu piste-anumeri, mi-aspuse că ôinea di Previsa, că wêsera dit ună hoară di-avêrligă că era avut multu, ma că arbi-neșili miarsiră ună seară și după ce li-arsiră casa, după ce li vătămără un ficior di 20 ani, lu alăsară ca pulu oarfă, fără ca se-aibă ună cheatră să-și arazimă fruntea. E... e... ficiorlu-a meu 'mî zicea, cu lacrimile ce li cădea tu cinușe-a foclu, ôin di diparte multu și va mergu multu ma diparte. Nu mi-arēmase çiva tu patria mea. Afară di murmin-tili a ficiorilor și ale niveaste.

Cîndu fugii blêstimaț cerlu, aruncaț țară cătră hoară și giuraț că vîrnă oară nu va s'mitornu aclo iu nu armase di cât cinușe după mine și aușu plângea di ti lua mila. Ficiorlu, un ficior mușat și dulce la față ca un cheruvim, plângea și nêș și mi mu-trea cu oculili a lui mări migdălaș, lăi ca chisa. Era un ficior ahântu mușat ficiorlu acel! Vîrnă-oară nu lu ogărșescu! Curat tip di grec. Părea un tip din vecliu timpu.

Cîndu 'ntrebaț aușu ce are tu minte ca s'facă ași oarfă cum easte, nêș tmî zise că-s' feațe ciritor.

Cînd avzîi acestu graiu mi cutremurai: că la armăniți a noștri nu-are ma urât blêstem cînd çine-va si blastimă di cât să-ți zică: la poarta mea s' ti ved că adaști.

Io nu-li zîș alta-çiva di cât că faci ună mare crimă cu ficiorlu, că lu 'nveață s'lia calea-aestă. Nêș suschiră ditru inimă și-mi gri. Fără di nêș nu pot ca s'fac çiva: io escu auș, fără putere; apoia io cântu cu lira, nêș cu boace. Ah, s'lu-avzî! are ună boace paradisiacă, ună boaci di anghil! Easte singurulu ficior ce 'mi-armase di șapte ce avui!

Cînd aușu vizu că io țineam multu tra s'lu-avdu cum cântă cu lira, o scoase din tisagă, li andreapse coardele și acăță s'cîntă cu ahăt patos cu-ahântă jale și lacrimi căi părea că avzî multu alăvdatie Omir. Ficiorlu cînta cu gura, ună gură dibirbiilu, boace di serafim. Căteclu zîcea:

Câte steale are çerlu
Ahate lacrimi am virsata
Di cand te-a lasai pri tine
Previso, multu mușată.

Ahântă jale, ahăt caimo, ahântă melanholie nu aveam avzîtu tu a mea bană. Nicat di jale, mi-as-cumșu fața tu mîni s'nu-mi se veadă lacrimile. Nêși cînta tu vimtul lă adușe căteclu diparte, diparte multu, poate până Previsa. Mași luna tri-çea piste noi albă și mută ca ună bucată di mar-mură. După ce aușu și ficiorlu s'culcară eu, cari nu puteam sdormu, avzac canda dipriună căteclu: «multe lacrimi am virsata» și lacrimile a meale cădeau cum cade aroua dimineața piste lilice. Când luçefirili trimura se-apună mi fură somnul și a-gărșit cu oculili plămji, cu inima 'nfărmată. Și toate aeste mi-aduc aminte ghine, trêși la Ciuca Roșă mi se thisiră. Era primăveară — optu di Avri! — anlu 1894.

Nuși Tulliu

LA VATRĂ

Stău ea lailu ningă vatră
Tot mi şuț și mî-ancărtese
N'am tu suflet lișureață,
N'am cîco ea s' mi hîrsese.

II

Nu easte oară nu-ț minut
Si stau s' lîaă arihati
S' duchesecu că și eă (acut) am acut
Parti, di amecale nati

III

Nișt prăvdăli nu pistipsese
Ca s' ducă ahindă greață
Cîtă aduc eu cu ah și cu cat
Cu plânderi și cu lăeăță.

IV

Așteptu ađi, așteptu mîne
S' mi ced cîco ma ghîni
Ma iar ea raelu tri nîpoț
Mi due marat di mine!

V

Fumealt am, niceastă am,
Vor s' mîcă tra s' băneață
Țe s' fac cînd saclu easti gol
Și di foame tușt ohteăță?

VI

Minđali mî fug di n'cap și nu știu
Țe s' fac tu ohtari oară
Și mî aspubir caplu i sî arard
Ninga di aestă oară?

VII

Sî aproachi đua vat di eă
Cu vîr pără tu pungă
Cătriă ea s' dau si scot cîco
Tră 'meari can s' n'agțungă

VIII

Niscandi ort mîcîni ași
Si scot nă boate zurlă
Si blastim crud pri așel di n'sus
Țe n'are di not milă

IX

Si li-aspun cum foci pri unli-acușt
S' băneață cum s' lă vină
Și pri alț s' li alasă goli și lipsișt
Di foamie si s' dirină.

X

O! Vat di mini! ce zburasc?
Ah minđeli-nț s'cyird, ti
Urfanta! Doamne! cartă-mi
Urfania aduși multi!

Iota Naum

ANECDOTA

Un amiră (împarat) ună oară eși avinare.

Aclo l'acajă ună furtună și din întâmplare dede de căliva unuț țeran. Aest lă priimi năuntru, li așternu, și li dede ca s'macă și s'bea, fără ca si scribă că este amiră.

După treacerea a furtunălieș, amiralu li mulțumi și rugă pe țeran s'castă ceva de la el, că easte mult avut.

— Parale am, zice țeranul, căte tmî lipsese tră pânea di toate zilele.

— Atuncia castă mî altu ceva

— Am trei feciori, zice țeranul, și vreș ca pe unuț s' l' fac timisit (onest) ceritor, unuț timisit fur și anant timisit criminal.

Amiralu sta pi mînduire necăhisindaluț ce vrea s'đica țeranul și l' întreaba cu mare ciudie:

— Ia spune-mî, Domnule, că eă nu am avzită pâna astazi seasti că are șculi d'iu s'easă; ceritori furi și criminali timisișl.

— Și a mîa mî vine mîrare cum tamam tine, ce esel din oraș nu seli că sunt ahtari sculi.

Ia si Ńi a spun ce acăchisescu eu prin aeste sbore:

Ceritor timisit easte preftul, care măcă de la viș și de la morți și tot timisit easte.

Fur timisit, easte avocatul, care fură ziua prânzul mare și tot timisit s'achiamă.

Și Criminal timisit easte iatrul care cu tuti că petrăci multi tu lumea ananta, nu li easte frică de vîrun, că easte nimisit.

Amiralu mirat de respunsul țeranului dede sborul sa li facă vrerea.

Un Aromân de la Pind

Tri arădere

Un general află in cale pe un Doctor și-l întreabă:
D-le Doctor, pitricuși mulți tu lumea anantă est'an.

Doctorul. Apropea căș chiruși tine tu polemlu (resbelu) di ma n'apoi.